

高祖功臣侯年表

史记

太史公曰、古者人臣功有五品、以德立宗庙定社稷曰勋、以言曰劳、

用力曰功、明其等曰伐、同 阙、积日曰阅。明其等、谓明其功之差等。伐、积功也。积日、计其任事之久。阅、经历也。○先立一案。封爵之

誓曰、使河如带、泰山若厉、同 砺、国以永宁、爰及苗裔。异、○带、衣带也。厉、砥石业。苗裔、远嗣也。言使河山至若带厉、国犹

未绝、盖欲使功臣传祚无穷也。始未尝不欲固其根本、而枝叶稍陵夷衰微也。所谓靡不有初、鲜克有终也。自古已然。先为一叹。○始未尝不欲固

其根本、承上封爵之誓意、枝叶稍陵夷衰微、起下子孙骄溢亡国意。余读高祖侯功臣、察其首封、所以失之者、察其始封、与所以失侯者。○申固其根本枝叶

陵夷二句。曰异哉所闻。异哉所闻、正反上一段。言根本不固、不待枝叶已陵夷衰微也。又为一叹。书曰、协和万国、迁于夏商、或

数千岁。万国、乃尧以前所封者。盖周封八百、幽厉之后、见于春秋。尚书有唐虞之侯

伯、历三代千有余载、自全以蕃。同 藩卫天子、岂非笃于仁义奉上法哉。笃仁义、奉上法、

是自全要著。○又引一案。自古皆然、而汉独不然、顶异哉所闻也。三叹。汉兴、功臣受封者百有余人、天下初定、故大城名

都、散亡户口、可得而数者十二三、才有十分之二三。是以大侯不过万家、小者五

六百户。昔日之衰。后数世、民咸归乡里、户益息、息、蕃庶也。萧何、曹参、绛勃、灌婴、之

属、或至四万、小侯自倍、富厚如之。今日之盛。子孙骄溢、忘其先、淫嬖、

作辟、至太初、太初、武帝年号。百年之间、见现、侯五、见在为侯者、仅五人。余皆坐法、陨命亡国、

耗毛、矣。耗、尽也。因盛而衰。罔、罔、禁网也。冷句带讽。亦少密焉、然皆身无兢兢于当世之禁云。仍归到不能自

全上。○两句、与上笃于仁义奉上法句相对。上笃仁义则无罔少密之苛、下笃仁义而奉上法、则能兢兢当世之禁、而不坐法亡国。两句两转、作两层叠。四叹。居今之世、汉。志古之道、夏、商、周。所

以自镜也、未必尽同。镜、鉴也。居今志古、所以自鉴得失、而时势变迁、亦不必今人尽同乎古。○一总、便推开、为本朝诛灭功臣回护一番。帝王者、各殊礼

而异务、要以成功为统纪、岂可緼魂、乎。緼、缝而合之也。言从来帝王原各不同、要以成一代之功为纲纪、岂可合而强同之乎。○此正是居今志古、以汉与前代相

提而论也。观所以得尊宠、及所以废辱、应察其首封、所以失之二句。亦当世得失之林也、何必旧

闻。应异哉所闻句。○此则单指汉诸侯也。五叹。于是谨其终始、表见其文、颇有所不尽本末、著其明、

疑者阙之。后有君子、欲推而列之、得以览焉。

结出所以作表之意。表者、表明其事也。

通篇全以慨叹作致、而层层回互、步步照顾、节节顿挫。如龙之一体、鳞鬣爪甲而已、而其中多少屈伸变化、即龙亦有不能自知者。此所以为神物也。